



Broj: 09/1-32-013802/26
Tuzla, 07.05.2026.g

Na osnovu člana 16. i 19. Zakona o raseljenim osobama i povratnicima u Tuzlanski kanton i izbjeglicama iz Bosne i Hercegovine („Službene novine Tuzlanskog kantona“ broj: 2/06 i 15/11), tačke IX stav 1. Programa o utvrđivanju uslova, kriterija i postupaka za raspodjelu sredstava Budžeta Tuzlanskog kantona za 2026. godinu sa pozicije 23040001 - „Podrška povratku prognanih osoba“ broj: 02/1-11-9159-1/26 od 13.04.2026. godine, Ministarstvo za rad, socijalnu politiku i povratak u Vladi Tuzlanskog kantona, objavljuje:

JAVNI POZIV
za dodjelu stipendija uspješnim (redovnim) studentima
sa područja povratničkih općina/gradova Republike Srpske
koji studiraju na području Federacije Bosne i Hercegovine

I. PREDMET JAVNOG POZIVA

Predmet Javnog poziva je prikupljanje prijave za odabir korisnika grant sredstava za dodjelu stipendija uspješnim (redovnim) studentima sa područja povratničkih općina/gradova RS-a (Doboj, Modriča, Bosanski Šamac, Vukosavlje, Lopare, Ugljevik, Bijeljina, Zvornik, Šekovići, Osmaci, Milići, Vlasenica, Bratunac i Srebrenica) koji studiraju na području Federacije Bosne i Hercegovine. Sredstva su utvrđena u razdjelu 23, glava 04, potrošačko mjesto 0001 "Podrška povratku prognanih lica" u Budžetu Tuzlanskog kantona za 2026. godinu, u ukupnom iznosu od 100.000,00 KM.

Stipendije se dodjeljuju putem ovog javnog poziva, u vidu bespovratnih sredstava za sufinansiranje troškova studiranja studentima koji studiraju u Federaciji BiH.

II. NAZIV PROJEKTA, CILJEVI, KRITERIJI I KORISNICI

Cilj Javnog poziva je pružiti finansijsku podršku uspješnim (redovnim) studentima – povratnicima sa područja Republike Srpske koji studiraju na univerzitetima u Federaciji Bosne i Hercegovine, kroz dodjelu bespovratnih stipendija u cilju podrške održivom povratku mladih u povratničke zajednice, podsticanja obrazovanja i akademskog uspjeha povratničke populacije, smanjenja ekonomskih barijera za studiranje iz socijalno osjetljivih kategorija i jačanja veza između lokalne zajednice i povratničke populacije kroz sistemsku podršku obrazovanju.

Pravo učešća imaju studenti koji ispunjavaju opće kriterije-uslove.

Uslovi - opći kriteriji za dodjelu finansijskih sredstava:

1. Da je student državljanin Bosne i Hercegovine,
2. Da studira na području FBiH,
3. Da ima status povratnika, odnosno, da se roditelj/roditelji nalazi u statusu povratnika,
4. Da je u statusu redovnog studenta prvog ili drugog ciklusa studija Univerziteta u FBiH,
5. Da je položio ispite iz prethodne godine studija i stekao uslov za upis u narednu akademsku godinu i
6. Da ima otvoren transakcijski račun banke.

Izbor korisnika će se vršiti putem posebnih kriterija.

Posebni kriteriji za dodjelu sredstava:

1. Visina prosjeka ocjena ostvarena u prethodnoj godini studija, odnosno, završnoj godini redovnog školovanja-srednja škola (student prve godine),
2. Upisana godina studija,
3. Rezultati ostvareni na takmičenjima iz nastavnih predmeta koji se izučavaju ili pripadaju naučnoj oblasti na studijskom programu,
4. Pripadnosti ranjivoj kategoriji porodica (učenici bez roditelja ili jednog roditelja, RVI i šehidske porodice) i
5. Broj članova domaćinstva.

Potrebna dokumentacija:

1. Prijava na javni konkurs sa datumom prijave i potpisom (original),
2. Uvjerenje o državljanstvu – ne starije od 6 mjeseci (original),
3. Uvjerenje da je na Univerzitetu, u tekućoj akademskoj godini, upisao studijsku godinu i da se nalazi u statusu redovnog studenta (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara),
4. Potvrda/Uvjerenje o ostvarenom prosjeku ocjena u godini studija koja prethodi godini studija upisanoj u akademskoj godini, izdato od strane Univerziteta, ili prosjek za završnu godinu redovnog školovanja-srednja škola - dokazom se smatra Uvjerenje/Potvrda izdata od strane škole - original, ili ovjerena kopija svjedodžbe (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara),
5. Dokaz da kandidat/roditelj ima status povratnika u lokalnoj zajednici u kojoj ima prebivalište – ne starije od 6 mjeseci (original),
6. Dokaz o ostvarenim nagradama na takmičenjima (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara),
7. Dokaz o pripadnosti nekoj od socijalno ugroženih kategorija porodica (učenici bez roditelja ili jednog roditelja, RVI i šehidske porodice), (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara),
8. Kućna lista (original),
9. Kopija LK (ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara),
10. Dokaz o otvorenom bankovnom/transakcijskom računu (original ili ovjerena kopija, Ovjerenom kopijom se smatra ovjera od strane ovlaštene općinske/gradske službe ili notara) i
11. Ovjerena izjava da nisu korisnici stipendije niti su ostvarili pravo na finansijska sredstva po istom osnovu od drugih javnih institucija sa područja Tuzlanskog kantona (original).

Napomena: Priložena dokumentacija tražena Javnim pozivom u originalu ili ovjerenj kopiji ne može biti starija od dana objave javnog poziva, osim tačke 2. i tačke 5.

Kandidati će biti ocijenjivani po osnovu posebnih kriterija na sljedeći način:

1. Visina prosjeka ocjena ostvarena u godini studija koja prethodi godini studija upisanoj u akademskoj godini:

Prosjek 10	10 bodova
Prosjek 9,5 do 9,9	8 bodova
Prosjek 8,5 do 9,4	6 bodova
Prosjek 7,5 do 8,4	5 bodova
Prosjek 6,5 do 7,4	4 bodova
Prosjek 6,0 do 6,4	2 boda

1. Visina prosjeka ocjena ostvarena u završnoj godini redovnog školovanja-srednja škola (student prve godine):

Prosjek 5	8 bodova
Prosjek 4,5 do 4,9	6 bodova
Prosjek 3,5 do 4,4	4 bodova
Prosjek 2,5 do 3,4	3 bodova
Prosjek 2,0 do 2,4	1 bod

2. Upisana godina studija:

Student šeste godine studija - pos.dipl.stud.	6 bodova
Student pete godine studija - pos.dipl.stud.	5 bodova
Student četvrte godine studija	4 bodova
Student treće godine studija	3 bodova
Student druge godine studija	2 bodova
Student prve godine studija	1 bod

3. Rezultati ostvareni na takmičenjima iz nastavnih predmeta koji se izučavaju ili pripadaju naučnoj oblasti na studijskom programu:

Ostvareno prvo mjesto	7 bodova
Ostvareno drugo mjesto	6 bodova
Ostvareno treće mjesto	5 bodova

4. Pripadnosti nekoj od socijalno ugroženih kategorija:

Učenik bez jednog roditelja	5 bodova
Ratni vojni invalid	6 bodova
Učenik bez oba roditelja	8 bodova
Šehidska porodica	8 bodova

5. Kućna lista:

Za svakog člana domaćinstva po 5 bodova.

III. NAČIN PODNOŠENJA PRIJAVA

Prijave sa traženom dokumentacijom podnose se lično ili poštom u zatvorenoj koverti na adresu:

Ministarstvo za rad, socijalnu politiku i povratak TK
Pisarnica Vlade Tuzlanskog kantona
Fra Grge Martića br. 8, 75000 Tuzla

Napomena: Iako Ministarstvo ima svoju službenu adresu na **Rudarska 72, Tuzla**, prijave se predaju u pisarnicu Vlade TK koja se nalazi na adresi Fra Grge Martića br. 8.

Na koverti obavezno naznačiti:

“Ne otvarati - Prijava na Javni poziv za dodjelu stipendija uspješnim (redovnim) studentima sa područja povratničkih opština/gradova RS-a”

Na poleđini koverte obavezno navesti ime i prezime podnosioca prijave, adresu i kontakt telefon.

Prijave koje su neblagovremene, nepotpune ili ne sadrže kompletnu propisanu dokumentaciju izuzimaju se iz daljnje procedure po javnom pozivu. Dokumenti moraju biti originali ili ovjerene kopije.

IV. PREUZIMANJE PRIJAVE

Prijavni obrasci dostupni su u prostorijama Ministarstva za rad, socijalnu politiku i povratak TK, na web stranici Ministarstva i Vlade TK.

V. ROK ZA PODNOŠENJE PRIJAVA

Rok za dostavu prijava je 21 dan od dana objavljivanja javnog poziva na web stranici Ministarstva i Vlade TK.

VI. IZBOR KORISNIKA

Ministar imenuje Komisiju koja će ocjenjivati prijave po zadanim kriterijima.

VII. OSTALE ODREDBE

Izbor korisnika vršit će se isključivo u skladu s odredbama Javnog poziva i jasno utvrđenim kriterijima. Ukupan broj korisnika stipendije, kao i visina pojedinačne stipendije, bit će utvrđeni na osnovu broja blagovremeno pristiglih i kompletnih prijava, te raspoloživih finansijskih sredstava, s tim da maksimalan iznos stipendije po korisniku ne može prelaziti 1.000,00 KM.

Ministarstvo zadržava pravo da, u slučaju dovoljnog budžeta i ograničenog broja prihvaćenih prijava, svim odabranim kandidatima dodijeli stipendiju u jednakom novčanom iznosu.

Rezultati bodovanja i lista korisnika će biti objavljeni na web stranici Vlade TK (www.vladatk.gov.ba) i na web stranici Ministarstva (www.mrspptk.gov.ba).

Na osnovu konačne rang-liste, Ministarstvo za rad, socijalnu politiku i povratak Tuzlanskog kantona će sa odabranim kandidatima zaključiti ugovor o stipendiranju, kojim će biti definisana međusobna prava i obaveze.

Stipendije se dodjeljuju kao bespovratna sredstva. Zaključivanjem ugovora o stipendiranju, kandidati se obavezuju da će zadržati status redovnog studenta i da neće istovremeno koristiti sredstva po istom osnovu iz drugih javnih izvora sa područja Tuzlanskog kantona.

U slučaju utvrđivanja nepravilnosti (npr. gubitak statusa redovnog studenta, davanje netačnih podataka, ostvarivanje prava na drugu stipendiju), Ministarstvo zadržava pravo da raskine ugovor i zatraži povrat isplaćenih sredstava.

Kandidati koji ne potpišu ugovor u ostavljenom roku gube pravo na dodjelu sredstava.

Kontakt za dodatne informacije na **mail: safet.ibrahimbegovic@tk.kim.ba**, ili lično u prostorijama Ministarstva.



MINISTAR

Fadil Alić
Fadil Alić